

**MESYUARAT KEDUA PENGGAL KEEMPAT  
DEWAN UNDANGAN NEGERI PULAU PINANG  
YANG KEEMPAT BELAS  
26 NOVEMBER 2021**

**PERKARA : 4(A)6**

**SOALAN LISAN OLEH AHLI KAWASAN PERMATANG PASIR  
YB. MUHAMMAD FAIZ BIN FADZIL**

6. Mohon Kerajaan Negeri Pulau Pinang nyatakan apakah bantuan yang diberikan kepada golongan ibu tunggal (isteri yang belum bercerai tetapi tinggal berasingan)?
- (a) Mohon Kerajaan Negeri Pulau Pinang nyatakan adakah Kerajaan Negeri bercadang menyediakan rumah perlindungan khusus kepada golongan ibu tunggal (isteri yang belum bercerai tetapi tinggal berasingan)?

**YB. CHONG ENG  
MENJAWAB BAGI PIHAK Y.A.B. KETUA MENTERI**

6. Pada masa ini, tiada bantuan khusus yang diberikan kepada ibu tunggal. Waiau bagaimanapun, Kerajaan Negeri melalui Perbadanan Pembangunan Wanita Pulau Pinang (PWDC) telah melaksanakan pelbagai program bagi meningkatkan taraf ekonomi golongan wanita termasuk ibu tunggal. Antara program yang telah dilaksanakan adalah seperti berikut:
- (i) Projek #Sokong BIZ Ibu Tunggal merupakan kerjasama antara PWDC dan Jawatankuasa Pembangunan Wanita

dan Keluarga (JPWK) yang telah dilancarkan pada Julai 2021. Melalui projek ini, PWDC dan JPWK membantu mempromosikan produk-produk yang dihasilkan oleh ibu tunggal mahupun ibu tunggal melalui laman Facebook PWDC dan JPWK.

- (ii) Projek Kuih Raya 2020 telah membuka peluang kepada 49 wanita termasuk ibu tunggal dan ibu tunggal untuk menjana pendapatan keseluruhan sebanyak RM62,540.00 iaitu secara purata RM1,276.00 seorang semasa sambutan Hari Raya Aidilfitri;
- (iii) Projek Kudapan Raya 2021 yang melibatkan 60 orang pengusaha wanita telah menjana pendapatan secara keseluruhan berjumlah RM35,000.00 dengan penghasilan kuih raya dan kudapan untuk diedarkan kepada petugas barisan hadapan;
- (iv) Projek Wanita Jana Rezeki 2020 telah melibatkan seramai lapan (8) usahawan wanita dan mereka telah berjaya menghasilkan pendapatan secara keseluruhan sebanyak

RM28,697.28 atau secara purata RM1,195.00 sebulan sepanjang tempoh tiga (3) bulan iaitu dari Oktober sehingga Disember 2020); dan

- (v) Program Mentor Usahawan Wanita Pulau Pinang (PWEMP) telah dilancarkan pada tahun 2020. 71 orang usahawan wanita daripada golongan B40 yang menyertai program PWEMP berjaya mencatat peningkatan pendapatan secara purata 60 peratus.

Di samping itu, Jabatan Kebajikan Masyarakat Negeri Pulau Pinang (JKM) juga turut memberikan bantuan Tabung Bantuan Segera (TBS) iaitu bayaran RM300.00 secara sekali beri (*one-off*) dan Bantuan Kanak-Kanak (BKK) minimum RM150.00 kepada mereka yang berkelayakan termasuk ibu tunggal.

- (a) Pada masa ini, Kerajaan Negeri tidak bercadang menyediakan rumah perlindungan khusus kepada golongan ibu tunggal. Waiiau bagaimanapun, Kerajaan Negeri akan mempertimbangkannya sekiranya ada

keperluan pada masa hadapan dan bergantung kepada kedudukan ekonomi Kerajaan Negeri.